

www.BibleForChildren.org

Matiyu 26



Pigoya, tonaentisa
ka'umaema yaga
waintogana, ainti
Pasoba nanintanakena
yaga aborantiye. Piya, pi
ntaga Isuba Petani kumati
uma irosantiye. Aeba pi kumata Arasarusi
purintapisa aogatantita uma irosantiye.




Piyama mintuguna
Mariyaba tabe masawae
kankabe aogi agunta
wani, agewapa nati, pi
tabe ikantaga, pi maema Isu
nkagisari pai'atama a'no
nkabiyatasa aebago pogaintiye. Piya pogana
kana namapintiba aogi agunta uwaentiye.



Pigoya, nagisarisa tara tumpaema abagi kina
mintumepa, ka abagi yagara, Yutasi Isikeriyoti, aebe
tabe mono kiye kinati wama: Isupa
araku'ma timukuwoma, uma
ibigantiye. Piyama ibigaogini,
ae kamanaka i'mu pumagini:
Piya yempeka yabapa
kamukune yuguna, Yutasiba:
Aenkauka'ibaya
Isuba waka
arakurukuwema,
napintiye.



Pigoya, Isu yome kamanapa abagi
kina'miba wasiwae u'magini wama
Pasoba nanintaba maema kao
puntawe. Pigoya igeba naninta
namagini mintuguna, Isuba pareti
maema a'mu potama ako puma abagi
kina'wa maya uma imintiye:
Mapa nae nauna, maema naiyo,
untiye.



Piya utegina, waini kankabe
pabiyama maema Koti a'mu
potama maya uma imintiye:
Tigeba a'ya'waemagiri naiyo.
Mapa Kotiti aoso atokaekena
korantene. A'ya'ma kina'miti
aguntaenari a'sua
penema ataritauwe.



Piya uwaimintana toba Pitapa maya omintiye: Saimoni,
Saimoni, witi ao asari peginā i' nintanawapa pa'wamisa
puma, Sataniba tigepa maema timiyo'ena
puritakenaga Kotipa abigaoga, pigo naeba
kamatiti'enaga a'yugu pusanaga kaeka uma nunamu
yuwe. Pika kaeba mono kita to kake a'wae puma aogi
mimagina, kaokinapa
iyo'maema esegi
puwaitao, omintiye.



Piya yogana Pita maya omintiye: Wa'ega, kaeba iga'na
namapipera purikenaenaripera wagapa, kaega'ma
wakuwe, untiye. Piya yegana, Isu maya untiye: Pita,
naeba ugamekana abo: Kokorewamaba iba asekapa
kampa aga untakana, kaeba kakagara kampa agao
ntagarawe unatagana aga ukiye, Isu piya untiye.




Pigoya, wama yogaba ka
agewapa Kesemeni, pita'i
uma irosa' magina Isuba
abagi kina'wa maya
uwaimintiye: Tigeba
mata mintiginto, naeba
marota'i wamagi nunamu
ukuwe, untiye.

We nabanempa-o, kaeba
a'ya'waemaena pikenā
yagara mintana, nauki
nakiyenaba naparo. Pigoya,
nae napiyenagaba a-ntapima,
kaeka napikibempentana
wasima po, untiye.




Pigoya pita'i mintuguna, Yutasiba Parasi
aruyenabisabe tabe mono kiye kina'mitisabe irebu
kinape ibabogini kane'waipe ma'ena kasupe
maete ampa irosantawe. Piya yuguna, igetisa
ka'waina monota paitanta kiye
yagarama kayokaya yagara
kasotasa aegumagina ageba
ayatakantisa arisakaentiye.
Piya pogana Isu agate:
Uwa miyiyo, untiye.
Aibumagina, pi ntagarama
nkagiba maemagina mayo
atama asu'a potantiye.



Pigoya, igeba Isu araku'ma ababute wama monota
paitanta kiye yagarama ntamapi ababute intawe. Piya
puguna, Pita aebe ainti ika'i wantiye. Pigoya,
pi kama kina'mi kagisa
kagopi uma pai'ma yaku
kaima tapima mintantawe.
Umintuguna Pita aebe
pabiti wamagini ige
ibakapi
umintantiye.



Abigauguna uwame uma:
Naeba kampaye, untiye.
Piya yogana, paitanta
kiye yagarama
kayokaya yagara ka,
Pita age arisakainti ae
agaya aebe maya untiye: We,
kaeba yogabinti aege kaga
mintaka kagaone, untiye.
Piya yogana, Pitaba to kake
a'a-o uma esegima uwame
yogana, pabigo kokore aga
untiye. pi kamana napimagina
antara purite abe'i irosa'ma
wama tabera kube'ena puntiye.




Pigoya, a'ya'ma pi kina'mi Isu
Pairatiti ababute wantawe. Piya
yuguna Pairati: Kaeba Yuta kina'mi
Nka'ega yagaragawoma, abigaogana:
Pi pabigo yene, Isu untiye.
Pigoya, Pairati aebe to
kake maya uwaimintiye:
Isu uwa atakana wasanaga
nabiye untiye. Piya yogini
igeba to kake esegimagini:


Maripora aeguyegana pureno.
Aeguyegana pureno, untawe.



Piya yuguna Pairatiba abima
paru puwaitamagina, Isu
maripora purenema owe
uwaitantiye. Pigoya, irebu
kina'miba igeba maripo maema
Isu amuguna aesaga'urogini,
maba ka agewapa A'no
nkayampu, Iburu kamanapipa
Korikota, pita'i ababute
wantawe.




Ababute wama
maripora pita'i
aeguntawe. Piya,
agunta yagara
taraba kaga
isiyeguma to
auka'i to auka'i
puwaisitantini
Isupa
isibakapi atama
arabawaitantawe.



Pigoya, tabe mono namapi Koti auka'i tabe kairasa
akumparanta pipa abakapisa atu'wantiye.

Atu'waogana Isu aebe esegima kega'e umagina:
Naba, naumanepa kae kayapi atauwe,
untiye. Piya utegina purintiye.



Arimatiya kumatasa yagara Yosepe,
aekuruyenagaba kampa napinta
Pairatiti wama: Isu nkaupa
maesuwoma, abigantiye.
Pigoya kana yagara aogi
mono kanisore
yagara mimagina,
Koti kabima
mikenanaga napi

napi pome
ntagaragana
mintantiye.

Omogana Yosepeba
aogi wae kai maerite
wamagina, uma akitama,
pi kaibi yoburite, yabapi
ku'maranta kabi uma
kaitamagina, kawarapa
tabe yaba a'waremagina
akunkatantiye.



Marogana sabati aboraogini, tabe
mono kiye kinape Parasi kinape
igeba aki purite Pairatiti
wamagini maya untawe:
Tabe yagarare, taeba
kamana ka
napiyompeka
ugamukune.



Aegutompe kumpari yagara aebe
aogama mintana maya
untiye: Pu'magi papa
kakaga peka naogamagi
asikuwe, untika
asisanaga
kabikibewe.



Piya yogini igebe irebu kina'mige
wama kana aruba akunkatamagini
yabankama nkaboboriba
ara'ena potama irebu
kinapa itauguni
kabima mintantawe.




Pigoya, sabatiba a'ya puwaogini
waintuguna marusa yaga
aborantiye. Piya pogana
marikena poginisi, Mariya
Matara kumatasawa,
to auka Mariyawa
suma, isigeba aru
agakena wantase.
Wausuguna tabe
imima

pabigo pogana,
Wa'egawamatisa
enisore ka'waina
mantarisa tumima
yabapa aebasana
kasogana a'waiw
aogana abobora
mintantiye.




Pigoya, arura kabima mintume kina
igeba agate iyekuru pumagini
tabaraba puma purikena
kanta puma mintantawe.




Pigoya, tara wae tara uma
irosausuguna enisorewama maya
uwaisimintiye: Tisigeba
a-tisiyekuruba piso. Naeba
abintuwa, tisigeba Isu
maripora aegunta
agakena kanase.
Pigoya aeba
mata'iba kampaye.

Aeba maru
urimintisa
pumagina ago asiwaye.
Tisigeba kanama
marunkapa mampaye.



Piya uwaisimoginisi, isigeba karu'ena
aruba irikabitate isiyekuru puma tabera
isi' mu purite abagi kina uwaimikena
karu'ena wantase. Piya pusuguna
ke'i Isuba pabuma: Aya pese,
untiye. Piya yoginisi, isigeba
agora uma parokaema agisara
araku'ma ae age maema



asaga'yuntase.





(Pigoya, togana nagisarisa ka tumpaema kina'mi
naninta nauguna, pita Isuba aboramagina maya
uwaimintiye: To kina'mi ago nagategini, asima mintiye
kamana nagata kina'mi urimuguripa, nanaga tigebe
akumpa'ma miyewema, ka ibirantiye.

(Tabe Yagara Isu piya uwaimigasogana, ababogana
mantari imagina, Koti nkayatakantisa auka'i asu
mintogini, abagi kina'wampiba a'ya'ma auka'i wama,
kamana'wa uwaimuguna, Wa'egawamaba iyo'maema,
esegiyena tonarona pogini, agategini:
Taga kaeyewe, untawe. Tagane.)



Pigoya, Koti aeba a'ya'ma kina'mikaba
tabera abugaogana, yagarawapa
ka'antowa mintogana, aepa taeti
otantiye. Aepa aega'ma imatiti
pikibe'nagiba ataenabipa kampa
tumpintini, e'wasa maema
miyaba mikibewe.



Aroma 3:23 taeba a'ya'ma kina aguntaena puntompeka,
Koti nke'wasaenarapa kampa kanarasamaba
kampa miyune.

Aroma 6:23 Piya, aguntaenama nkikantanaba
purikenaenawe. Pigoya, Wa'egare Isu Karaisititi
atokaeyompeka Kotiba miyaba'ena uwa tamiye.

Iburu 9:27 Piya, a'ya'ma kina'mitaba ka'anto
purukubompeka uratantikana, aintiba
kamanatepa aborakiye.

Epesasi 2:8,9 Abewo. Koti awagaena puritama,
timatiti'enarika ti'iyeye. Tigerinane. Pipa Koti ae'wa
ntapiyenarasa timiye. Piya, tiyapisaenaba kampaye.
A'yugu ka yagarama au maete isanaga,
pipa Koti uwa tamiye.



Aroma 10:9,10 Piya, wasanami nkiyobi: Isu aeba
Wa'eganene, kawamupisa umagina, Koti aepa purintapisa
asitama kamintika kagupinti aogima abegana, kaepa
kau'iyeno. Piya, kagutasa Isu nkaega'ma kamatiti
puntana, Koti nkaobi arupu kina mikibene. Kawamutasa
wasanami nkiyobi ae age asagayuyegana kau'ikiye.

Yoni 3:16,17 Pigoya, Koti aeba a'ya'ma kina'mikaba
tabera abugaogana, yagarawapa ka'antowa mintogana,
aepa taeti otantiye. Aepa aega'ma imatiti pikibe'nagiba
ataenabipa kampa tumpintini, e'wasa maema miyaba
mikibewe. Piya, Kotiba yagarawapa mabisa kinapa kamana
uma uratanemaba kampaye. Wasana i'ima iba piyoma
otaogana tumintiye.



1 Yoni 5:11-13 Pigoya, taga awaga kamanapa mayamawe:
Kotiba e'wasaenaba tamika miyaba mikune. Pi
nke'wasaenamaba yagarawampapisa aboraye.
Piya, Koti ntagarari uma kabo pemi'naba, aeba pi
nke'wasaena wantagane. We, Koti ntagarari kampa kabo
pemi'naba, aetiba pi nke'wasaenaba kampa waiye.
We, Koti ntagaramati timatiti pe kina'mitaba, ma
kamanapa tigeti kaeyuwe. Piya, tige ba pi waiyaba
e'wasaenaba ago maeyawema napiyiyoma, kaeyuwe.



Matiyu 26-28; Aruku 22-24; Yoni 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Fore Bible (for) © 2013, Wycliffe Bible Translators,
Inc. All rights reserved.

<https://live.bible.is/bible/FORBSV/MAT/1>

©2026 Bible for Children, Inc.

www.M1914.org

www.bibleforchildren.org

